



OROMO
OROMOO
أورومو

صفة الحج والعمرة

HEERA HAJJII FII UMRAH

Qophessaan

Shekh Jamaal Shekh Muhammad
(Abbaa Faaximah)



OROMO
OROMOO
أورومو

صفة الحج والعمرة

إعداد
أبوفاطمة- جمال محمد أحمد



أعد هذا الكتاب وصمّم من قبل مركز أصول، وجميع الصور المستخدمة في التصميم يملك المركز حقوقها، وإن مركز أصول يتيح لكل مسلم طباعة الكتاب ونشره بأي وسيلة، بشرط الالتزام بالإشارة إلى المصدر، وعدم التغيير في النص، وفي حالة الطباعة يوصي المركز بالالتزام بمعاييرها في جودة الطباعة.

- +966 504 442 532
- +966 11 445 4900
- +966 11 497 0126
- P.O.BOX 29465 Riyadh 11457
- osoul@rabwah.com
- www.osoulcenter.com



Bismillaahi Rrahmaani Rrahiim

BAAFATA

1	Duree	9
2	Sadarkaa Hajjii fi umraa	11
3	Ulaagaalee (sharxii) hajjifi umraa	11
4	Iddoo hajjiifi umraan irraa hidhatamu	12
5	Hajjif umraa keessatti waan dhoowwamaa	14
6	Waa hin dhoowwamne	15
7	Gosa ihraamaa	15
8	Hajjii bodaan umraa (tamattu'a)	16
9	Akkaataa Umraa	17
10	Akkattaa hajji	23
11	Arkaana hajji	30
12	Dirqama (wajiiboota) hajjii	31
13	Ziyaaraa masgiida Rasuulaa	32
14	Dhaamsa dhumaa	38
15	Du'aa'ni adda-addaa	40



DUREE

الحمد لله والصلاة والسلام على رسول الله نبينا محمد وعلى آله وصحبه أجمعين

Bismillaahi Rrahmaani Rrahiim.

Alhamdu liLaah wassalaatu wassalaamu alaa RasuulliLaah

wa alaa aalihii wasahbihii ajmaiin.

Egaa Hajjiin ibaadaa jabduudha. roga Shanaffaa kan islaamaati. nama dandeytii qabeenyaa qaburratti umrii isaa keysatti yoggu takka hajjii godhuun dirqama jabeyfamaadha. osoo dandayan dhiisuun badii guddoodh.

Egaa dalagan hundi beekkumsarratti hundaawuun dirqama. Wannii wallaalaan dalagan nibaddi. Bu'aa hinqabdu. egaa kitaaba kana barnoota hajjiifii umraa keysaa argattu. Afaan oromootiin isinii qopheysine. Dubbisaa irraa baradhaa walbararsiissaa. beekkumsa diin Rabbi nuuf haa kennu. Hojii teenyas nurraa haajaalatu.

**Obboleessa keysan-
shekh Jamaal shekh Muhammad abbaa xaalib**





SADARKAA HAJJI FII UMRAA

Rabbiin s.w. akkana jedha”

ولله على الناس حج البيت من استطاع إليه سبيلا فمن كفر فإن الله غني حميد
«Hajjii mana makkaatti godhuun dirqama Rabbiin namarraa qabu, nama humna karaa gama isaatti dandayeeef. Ammoo namni kafare Rabbiin dureysa faarfamaadha.» Qur’aanul kariim.

Hadiisatti Nabiin keenya ﷺ akkana jedha.

«من حج فلم يرفث ولم يفسق رجع كيوم ولدته أمه»، وفي حديث آخر «الحج المبرور ليس له جزاء إلا الجنة».

«Namni hajji godhe osoo hindoggoggorin, osoo badii hindalagin xumure, akka waan guyyaa haati isaa isa deesseetti qulqullaayee deebi’a.» hadiisa birootti «hajjiin sirrooftuun galanni isii jannatuma.»



ULAAGAALEE HAJJI FI UMRAA

Hajjiin ulaagaa {sharxii} mataa isaati qaba. Ulaagaan hajjii akka armaan gadiiti ta’a:

01. Namni hajjii godhu islaama tahuu qaba.






02. Sammuun isaa fayyaa tahuu qaba. maraataan hajjii godhuu hin dandayu.
03. Umriin isaa kan bakka diqamaa gaye (baaliga) tahuu qaba.
04. Bilisa [walaba] tahuu qaba.
05. Sinqii dhaqaaf deebi'ii geessuuf qabaachuu qaba.
06. Akkasumatti imaltuuf karaan nagaya tahuu qaba.
07. Dubartoonni ulaagaa armaan olitti tuqame fii nama aanaa tahuuf (muhrima) qabaachuu qaban



IDDOO HAJJI FI UMRAAN IRRAA HIDHATAMTU

Iddoo hajjii fi umraan irraa hidhatamtu kanneen armaan gadii kana:



01. Zulhuleyfa (ذو الحليفة)

makkarraa k.m.450. miiqaata yookis iddoo warra madiinaatiifi nama naannoo biraa kan karaa saniin dhufaniiti.

02. Juhfa (الجبفة)

makkarraa k.m. 183. iddoo warra biyya sham masriifi kan biraa kan kraa san darbuuti. (biyyaa shaam jechuun: suuriyaa, ordon, falasxiin, fii lubnaai).

03. Qarnu al-manaazil (قرن المنازل)

makkarraa k.m.75. iddoo warra naannoo Riyaadii fii kan biraa kan karaa san deemaniiti.

04. Yalamlam (يلملم)

makkarraa k.m. 92. iddoo warra yamanii fii kan biraa kan karaa san deemaniiti akka keeniyaa, soomaalee, jabuutii fitiyophiyati.

05. Zaatu irqi (ذات عرق)

makkarraa k.m.94. iddoo warra iraaqii fii kan biraa kan karaa san (dabraniiti).

Namoonni iddoo kanaa as jiran bakkuma jiran irraa hajji fi umraa isaanii hidhatu.

fakkeenyaaf warri makkaa makkaa irraa hidhatan.


Hubachiisa! Namni hajjiifi umraa godhu kan miiqaata kanarra osoo hin hidhatin dabre uf duuba deebi'ee hidhachuu qaba. Yoo Hinmijjaawiniif bakuma makkatti dhahaattu sanirraa hidhate re'ee takka qalee miskiina makkaatii hiruu qaba.





HAJJIIFI UMRAA KEESSATTI WAAN DHOOWWAMAA

Namni hajjii hidhatee eegale tokko hanga fixutti wantoota armaan gadii kanarraa fagaachuu qaba.



Uffata ihraamaa. & Bobaa baafachuu.

01. Walqunnamtii saalaa godhuu. Adabni isaa.

- Namni warra isaa wajjiin saal-qunnamtii godhe gaala qaluu qaba akkasummatti warri isaatiis qaluu qabdi. yoo dirqamuu baatte. yoo dirqamte hin qaltu.
- Hajjii isaa itti fufeetum xumuruu qaba.
- Towbachuu qaba.
- Waggaa dhufu deebi'ee hajjii godhuu qaba.

02. Rifeensaafi qeensa isaa cirachuu (muruu).

03. Waan urgaawu dibachuu samunaa urgaawunis dhiqachuu.

04. Bineensa al'ooluu (ajjeesuu).

05. Warra (jaartii) isaatiin wajji. haala fedhii itti kakasuun qaq qabuu, dhungachuufii, taphachuu,

06. Qadhimuufii nikaaha hidhuu ufiifis tahee nama birootiif.

07. Dhiirti mataa hagooggachuu, kofiyaa, imaamata, kkf uffachuu.

08. Uffata qaamatti naannawu kofoo, marxoo, mudawwara, shaamiza, paantii, kkf uffachuu.

09. Dubartiin ammo niqaaba uffachuun, Guwantii harkaa uffachuun dhoowwaadha.





WAAN DHOWWAA HINQABNE

- Hamartii/qubec/ qubatti kaayyachuu.
- Manzaraa ijaatti kaayyachuu.
- Erfoona gurraatti kaayyachuu.
- Saa'ah harkaatti hidhachuu.
- Samunaa hinurgooyneen fayyadamuu.
- Mataafii qaama dhiqachuun.
- Uffata ihraamaa jirjiirachuu.

Kanneen asii olitti dubbataman kun homaa dhoowwaa hinqabdu.

- Mormii,muggutiifii dogoggorri hundi dhoowwaadha. akkuma san muslima dararuun jechootaafii hojiinis dhowwaadha. namni hedduun kun bakka takkatti walitti qabamee walitti gufachuun,walitti bu'uun waan hafa hinqabnee waan taheef.
- Haajii keenya! Hin aarin hin lolin hin dallanin. harkaa fii afaaniin nama hinmiidhin
- obsi, dhiifama godhi, araarami Rabbiin siif araaramaa.




GOSA IHRAAMAA (HIDHANNAA)

Gosti ihraama (hidhannaa) hajiifii umraa gosa sadihi. Isaanis.

- 01.** Hajji qofa (ifraada). افراد
- 02.** lameen walirratti lakkuu (qiiraana). الفيران garuu kuni waa qaluutu isarraa barbaachisa.
- 03.** Umraa fixanii boodaan hajjii itti aansuu (tamattu'a) التمتع .kunis waa qaluun barbaachisaadha. Garuu yoodhabe hajji keessatti guyyaa sadih soomana, yogguu gales guyyaa torba soomana walitti guyyaa kudhan guutuu taha.

Gosti irra caalaan sadeen kanaa tamattu'a. kana jechuun dura umraa qofa hidhachuun akkuma makka dhaqanitti hatattamatti umraa godhanii hiikkatanii hajjii eeggachuudha. yogguu guyyaan 8ffaa gaye hajjii hidhatanii itti fufuudha. Nabiin kenya ﷺ hajji dhaammannaa (hajjatal wadaa'i) keysatti sahaboota akka kana hidhatani fii kanneen akkaataa birootti hidhatanis akka kanatti jirjiiran ajaje.





HOJII UMRAA BOODAAN HAJJII (TAMATTU'A)

Kana jechuun dura umraa godhanii fixanii hiikkatanii booda guyyaa 8ffaa zulhijjaah hajji hidhatanii godhuu jechuudha. Tanaaf dura akkaataa umraati ibsina.



AKKAATAA UMRAAN ITTIIN GODHAMU

bakka miiqaataa irraa sirna hidhannaa umraa goota. Sunis kunoo kana.

01. Qaama dhiqatta.
02. Uffata kee hunda ufirraabaafteeti uffata ihraama (marxoo banaa fii afrii) uffatta.
03. Waan urgaawu godhatta qaama keetitti, garuu uffata ihraamaatti hingodhattu..
04. Yoo yeroo salaata fardii tahe salaata san salaatta. Yookaan sunnaa wuduu'aa takkii tahiyiyatal masjid Raka'aa lama salaatta.



05. Umraa qalbitti niyyaa gootee hidhatta akkana jettee,

لبيك عمرة، لبيك اللهم لبيك لبيك لا شريك لك لبيك إن الحمد والنعمة لك والملك لا شريك لك.


«*Labbeyka umratan- labbeyka Allaahumma labbeyka labbeyka laashariika laka labbeyka innalhamda wanni 'imata laka walmulka laa shariika lak*». jetteeti hidhatta. labbeykaa tana ittuma fufta hanga xawaafa jalqabdutti.

06. yogguu masjidal haraam seentu miila mirgaa dursita. bismiLaahi wassalaatu wassalaamu alaa rasuulillaahi jetta.

07. eegasii xawaafa goota

kara hajarul aswad achii deemta. harka mirgaatiin hajarul aswad tuqateeti harka san dhangata. Yoo harkaan dadhabde ulee teetiin tuqatta.- yoo tuqatuu dadhabde itti harkaan akeekta harka san hindhungatu. yeroo tana akkana jetta.

بسم الله والله أكبر، اللهم إيماننا بك وتصديقنا بكتابتك ووفاء بعهدك واتباعا لسنة نبيك محمد -صلى الله عليه وسلم-.



Xawaafa.





”Bismillaahi wallaahu akbar Allaahumma iimaanana bika watasdiqqan bikitaabika wawafaa’an bi ahdika wattibaa’an lisunnati nabiyyika muhammadin ﷺ”

08. Achirraa beytii (kaiba) bitaa ketitti gootee xawaafa jalqabda, yogguu ruknal yamaanii geesse nituqatta garuu hindhungattu,---. Rukniifii hajarul aswad jiddutti akkana jetta.

ربنا آتتنا في الدنيا حسنة وفي الآخرة حسنة وقنا عذاب النار اللهم إني أسألك العفو والعافية في الدنيا والآخرة

”Rabbanaa aatinaa fiddunyaa hasanatan wafil aakhirati hasanatan waqinaa azaabznaar,Allahumma innii as’aluka al’afwa wal aafiyata fidduniyaa wal’aakhirah”

09. yeroo hajarul aswad irra dhufte hunda allaaahu akbar jetta, yeroo xawaafaa zikrii, du’aa’ii qaraatii qur’aanaa itti fufi.

10. xawaafa duraa kana kessatti afrii tee bobaa mirgaa jalaan baafatta,

11. marsaa duraa sadan keysatti nifiyyda fiigicha xiqqaa.

12. yogguu xawaafa 7n fixxe kara maqaama ibraahiim achi deemta. aayata kana qaraata.

واتخذوا من مقام إبراهيم مصلى.

Wattakhizuu min maqaami ibraahiima musallaa ‘ qaraata. Yoo siif laafe isa duubatti raka’aa 2 salaati,

yoo hin mijjaawin masgiida keessaa bakkuma feetetti



salaatta. Raka’aa duraatti faatihaa booda suuraa kaafiruun kan lammeyaatti suuraa ikhlaas qarai.



Maqaama Ibraahiim.

13. san booda kara hajarul aswad as deebitee tuqatta yoo dandeesse.

14. eegasii bishaan zamzam dhugi.



Bishaan zamzam.





15. san booda saiyii godhi.

karaa safaa olbahi. yogguu safatti dhihaatte

إن الصفا والمروة من شعائر الله

”Innassafaa walmarwata minsha’aairillaahi...” qara’i.

deemii safarratti olbahi ka’ibatti fuula deebi’i duaa’ii Rabbi kadhu. du’aa’ii nabiin kenya ﷺ asitti kadhate keysaa takka tana yoggu 3 irra deddeebi’i. jiddu jidduu isiitti du’aaii godhi.

«لا إله إلا الله وحده لا شريك له له الملك وله الحمد وهو على كل شيء قدير، لا إله إلا الله وحده أنجز وعده ونصر عبده وهزم الأحزاب وحده»

Laa ilaaha illallaahu wahdahuu, laashariika lahuu, lahul mulku walahul hamdu, wahuwa alaa kulli shey’in qadiir. Laa ilaaha illallaahu wahdahuu, anjaza wa’idahuu, wanasara abdahuu, wahazamal ahzaaba wahdahuu.



Saiyii jidduu safaaf marwah.



16. Eegasii gara marwaa gadi buii sa’iyii godhi. Deemi yeroo ifaa magarroo lameen jedduu geesse figi. yogguu marwaa geesse irratti olbahi kaibatti fuula deebi’i harka banii Rabbi kadhu. akkasumatti kara safaa egasii kara marwaa yoggu 7 godhi. sa’iyii safaaf marwa jiddutti godhamtu tana keeysatti zikrii Rabbii, qaraatii qur’aanaa, du’aa’ii heddummeysi.

17. eegasii rifeensa haaddadhu.

yogguu saiyii marsaa 7n fixxe mataa haadadhu takkii gabaabsi. Mataa haaduutu irra caala. Nabiin ﷺ warren haaddataniif yoggu sadi du’aaii godhe, ammo warra gabaabsaniif yoggu takka godhe. dubartiin waa xiqqoma (hanga birkii quba harkaa) fiixarraa murti. umraan asitti dhuma. uffata kee jirjiiradhuu gara bakkaa qubatee tesso keetii deemii gali.

Hanga baatiin hajjii (zulhijjaa)guyyaa 8 geysutti akkanumatti turi.



Rifeensa haddachuu fii gabaabsuu





AKKAATAA HAJJII

zuhijjaa guyyaa 8ffa. (yowmuttarwiyaa).

18. guyyaa 8ti (guyyaa tarwiyaa) yeroo waaree bakkuma jirturraa hajjii hidhadhuu. akkuma yeroo umraa hidhattuutti qaama dhiqdhuu, urgeyfadhuu, ihraama uffadhuu.

19. hajjii niyyaa godhi.

لبيك حجا لبيك اللهم لبيك لبيك لا شريك لك لبيك، إن الحمد والنعمة لك والملك لا شريك لك.

,Labbeyka hajjan-labbeyka Allaahumma labbeyka labbeyka laa shariika laka labbeyka, innalhamda wanni'imata laka walmulka laashariika laka. Jetta.

20. Egasii minatti deemi,



Minaa

Achi qubadhu zuhrii, asrii, magriibaa fii ishaaai achitti salaati. Kan raka'aa afur afurii Raka'aa lama lamatti gaggabaabsi garuu walitti hinqabin Hundaa yeroma isiitti salaati. achuma buli, subhis achumatti salaati.

zuhijjaah guyya 9ffaa (Guyyaa arafaa).

21. guyyaa 9ffaa yogguu aduun baate achirraa ka'ii gara arafaa deemi. arafaa dhaqi,yoo dandayame namirah qubadhu, yookaanis bakkuma siiflaafte arafarraa qubadhuu,

zikriifii du'aaai itti fufi akka abbaa lubbuutti.hinlaafin hinhifatin.



Arafah

22. yogguu zuhriin gaye salaata zuhriifii asrii jam'ii duraa godhii gaggabaabsii salaati.akkuma nabiin keenya ﷺ godhetti.

23. egasii du'aai itti fufi ,qiblatti fuula deebi'ii, harka banii, waywaadhu Rabbitti. yaa du'aa'ii guyyaa sanii haalaan jabduudha. mataa keetiif muslimtoota hundaaf Rabbi kadhadhu.

- 24
24. yogguu aduun seente achirraa ka'ii gara muzdalifaa deemi. yeroo muzdalifaa dhaqxee magriibaafii ishaa'ii jam'ii boodaa salaati. Achuma buli.



Muzdalifaa

25. yogguu fajare subhii salaati, gara mash'arul haraam (eddo masjiidaa) deemi. du'aaifii zikrii itti fufi hanga haalaan bariee ifuu.

zulhijjah guyyaa 10ffaa (guyyaa nahrii).

26. osoo aduun hinbaane gara minaa sossohi. waadii muhassar yogguu geysse daddafii demii. ciracha torba kararraa guuradhu.




Ciracha darbannaa

27. wayta mina geysse jamratul-aqabaa darbadhu. isiin boolla moggaa gama makkaati. cirracha 7n darbadhu. takka takkaan takbiiraa wajji jechaa darbi.



Boolla darbannaa



28. egasii as deebi'ii wareega kee qali,


yeroo ammaa halli abbaan ufii qaluu waan hinmijjanneef gatii beyladaa tokkoon bitan baankii islaamatti galii godhuu qofaatu gaya. Bara hijra 1433 yeroo nuti hajji goone gatiin qaliinsa 1 riyaaala sawdii 430 ture. garuu oliifii gadi siiquunis nimala. namni

waaqaluu dadhabe guyyaa kudhan soomana. 3 hajjii keysatti 7ammoo eega galeeyi. atis yoo waaqaluun siif hinmijjaawin akkanumatti soomanta.

29. eegasii rifeensa haaddadhu.

mataa haadadhu takkii gabaabsi. Mataa haaduutu irra caala. Nabiin ﷺ warren haaddataniif yoggu sadi du'aa'ii godhe, ammo warra gabaabsaniif yoggu takka godhe. dubartiin waa xiqqoma (hanga birkii quba harkaa) fiixarraa murti.

30. uffata kee ka ihraamaa ufirraa jijjiiri. kara makkaa deemii dhaqi xawaafa ifaadaa godhi.



Xawaafa ifaadaa

31. saiyii safaaf marwaatis itti aansii godhi. akkuma umraa keysatti ibsametti.

Lakkofsa 7-16 lallachuun nidandayama.



Saiyii hajjii

32. Achumaan uf duuba kara minaa asdeebi'i demii dhaqii mina buli.

zulhijjah guyyaa 11ffaa.

33. -guyyaa 11ffaa minatti orraafadhuu yogguu zuhrii booda deemii jamaraata dhaqii boolla sadeenuu darbadhu. ciracha torba torbaan waliigalli digdamii tokko. bolla dura tan gama masgiida khiif as aanturraa jalqabi darbi du'aa'ii godhu. tajiddutis akkasumatti darbi du'aa'ii godhi. tamogga (aqabaatis) darbi du'aa'ii dhiisii deemi.

zulhijjaah guyyaa 12



34. Guyyaa 12ffaatis Akkasumatti darbi, yoojarjarte deemi, yookaan minumatti deebi'ii buli.

zulhijjah guyyaa 13

35. Guyyaa 13ffaatis darbi. ammaa xumurtee minarraa ka'i bakka tessoo ketiitti makkaatti gali. Hojiin hajji asitti xumuramti. Xawaafa dhaammannaa qofaatu hafe malee. San guyyaa kara biyyaa deebitu gootee achumaan deemta.

36. xawaafa dhaammannaa (xawaafu wadaai) godhi.



UTUBAALEE (ROGA) HAJJI

hajjiin utubaa afur qabdi. namni kana keessaa tokko dhiise hajjiin isaa ni bada. waggaa biraa deebi'ee hajjii godhuu qaba

jechuudha. utubaan hajjiitiis kanneeni:

- al-ihraamu: jechuun hajjii godhuu niyyachuu. (hidhachuu).
- guyyaa 9 ffaa arafa keessa dhaabbachuu.
- guyyaa 10 ffaa xawaafu ifaadaa godhuu.
- safaa fii marawaa jidduu sa'iyii godhuu.



DIRQAMootA HAJJI

hajjiin dirqamoota yookaan waajiboote 7 qabdi namni waajiba hajjiidhaa kana tokko hin dalagin hoolaa tokko qaluu qaba. waajibni hajjii kunoo kana:

- 01.** miikaata irraa hajjii hidhachuu [iddoo hajjiin irra hidhatamtu]
- 02.** guyyaa 9 ffaa Arafaa dhaabachuu hamma aduun dhiituutti [lixxuutti].
- 03.** halkan 10 ffaa muzdalifaa buluu, halkan iidaa jechuudha.
- 04.** Guyyaa 10 ffaa dhagaa darbachuu. guyyaa kana boolla sadeen irraa tanuma gama makkaa aantu (jamratl aqabah) qofa darbata. garuu guyyaa 11 ffaa fi guyyaa 12 ffaa boolla sadeenuu nidarbata. namnii guyyaa 13 ffaa jerjeree hindeemne, bolla sadeenuu nidarbata
- 05.** Halkan 11ffa, halkan 12 ffaa fii halkan 13 ffaa , minaa buluu; namni jerjere halkan 11 ffaa fii halkam 12 ffaa bulee halkan 13 ffaa deemuu nidanda'a. garuu odoo aduun hinseene. minaa irraa ba'uu qaba.



06. Refeensa mataa haaddachuu ykn gabaabsuu.

07. Xawaafa dhaammannaa godhuu.

Hajjiin xumoramte, wanni hafee ziyaaraa masgiida Rasuulaati.



ZIYAARAA MASGIIDA RASUULAA KAN MADIINAA



Masgiida Rasuulaa 

obboloowwan muslimootaa kan hajjii dhuftan, eega waa'ee hajjii xumurtanii booda, yoo isinii mijjowte, madiinaa demuudhaan, maskiida Rasuula keenyaa [nagayaa fii rahmanni rabbi isa irratti haa bu'uu] ziyaaraa godhuu ni dandeesan. garuu wanni beekuu qabdan, masgiida Rasuulaa kan madiinaa ziyaaraa godhuun, waa'ee hajjiitii wajjin akka hariiroo hinqabne jechuun; namni tokko yaroo waa'ee hajjii xumure hajjiin isaa guutamteef





jechuudha biyya isaatti galuu danda,a. Namni geriitiis madiinaa dhaquun maskiida rasuulaa [nagayaa fii rahmanni Rabbii isarratti haa bu,u] ziyzzraa godhuun dirqam hajjiiti akka ta'e itti fakkaata. Akkana yaaduun sirrii miti.

Kanaafuu, madiinaa deemuun maskiida rasuulaatti sagaduu qofaaf akka ta'e hubachuun barbaachisaadha. Kanaafuu namni madiinaa deemuuf hiree arkatan, heera armaan gadii kana eeggachuufii hubachuu qaban:

01. Masgiida Rasuula ﷺ keenyaa kan madiinaa itti sagaduuf imeltuu deemuun, heera Amantii islaamaa keesatti hin dhoorkamu. Garuu waa'ee hajjiitii wajjin hariiroo hin qabu. Kuniis yaroo hajjii qofaa mitii, yaroo hunda ziyaaraa godhuun nidanda'ama. jechi Rasuula keenyaa kuniis ragaadha:

”صلاة في مسجدي هذا خير من الف صلاة فيما سواه إلا المسجد الحرام“ متفق عليه.

hiikkaan isaa; “*salaanni maskiida kiyya kannatti sagadamu, salaata iddoo biratti sagadamu, harka kuma tokko chaala, maskiida al haraam makkaa male.*” Jedhaniiru. Ammo salaanni masgiida makkaa salaata bakka biraa harka kuma dhibba tokkoon akka caaltu hadiisaan mirkanaayee jira.

02. Masjida rasuulaatitti ﷺ sagaduudhaaf imaltuu deemuun, dalagaa hajjiitii wajjiinhariiroo hinqabu. Namni dalagaa hajjii raawate, kan maskiida Rasuulaa ziyaaraa godhuuf hiree dhabuudhaan yo biyya isaatti gale, hajjiin isaa guutuudha sirriidha jechaadha.



03. yaroo maskiida rasuulaa seenu miila mirgaa dursuudhaan, jecha kana jechaati seena:

(بسم الله والصلاة والسلام على رسول الله اللهم افتح لي أبواب رحمتك)

04. Yaroo maskiida seenu, raka'aa lama seennaa maskiidaatiif sagada. Yoo dandaye rawdatti salaatuutu irra caala. Garuu yoo tuuchinsa namaatiif dadhabe masgiida keessaa bakkuma taatetti salaata.

05. Eega Raka'aa lama sagadee booda, gara qabrii rasuulaa deemuudhaan.

(السلام عليك يا رسول الله ورحمة الله وبركاته)

jedhe, irratti salaammata. Itti aansee, qabrii Saahibban Rasuulaa lameen (Abuu bakarii fii umar

(السلام عليك يا أبا بكر السلام عليك يا عمر)

jechuudhaan irratti salaammata.



Qabrii nabii ﷺ





06. Gara qabrii baqii deemee ziyaaree du'aa'ii godhaaf.



Qabroota madiinaa (baqii'i)

07. Eegasii gara qabrii shahiidota warra uhud deemee ziyree du'aa'ii godhaaf.



Qabroota Shuhadaa'a uhud



uhud jechuun bakka lolli muslimtootaafii mushriktoota jiddutti tahe, itti gaggeefameedha.

Shahiidee jechuun sahaaboota Rasuula keeyaa kan iddoo sanitti wareegaman jechuudha.

08. Masjida qubaa deemee raka'aa lama itti sagada.



Masjiida qubaa.

Haaluma kanaan ziyaaraan isaa dhumti Kanaafuu, gara biyyaa isaa deemuu ni danda'a.

Hubachiisa.

garuu wanni beekamuu qabu, namni hajji dhufu tokko yaroo waa'ee hajji gaggeessaa jiruu shirkii (Rabbitti waa qineessuu) irraa uf eegu barbaachisa. Fakkeenyaaf Rasuula yaammachuun (yaa Rasuula keenyaa nu garagara jechuun) dhoowwaadh. akkusumatti gidaara masjidida makkaa fii masjidida madiinaa





dhunguchuun. Kun hundi dhowwaadhaa irraa of eeguun dirqama nama hundaati.

Yaroo hajjii qofa osoo hinta'in, yaroma hundaa'uu irraa of tiksuun barbaachisaadha.

Rabbiin olta'e, dalagaa qulqulluu kan isumaa jechaa dalagame qofa, qeebala. Hujii shirkiin keesatti mullatu Rabbiin hinqeebalu. Nami hajji godhuuf qabeenya guddaa baasee biyya fagoodhaa dhufe, waan hajjii isaa irraa belleessaa shirkiis ta, eek an biroo firraa eeguun dirqama. Dalagaan ilmi namaa tokko dalagu, kan akka hajjii fii salaataa, soommana fii kkf, Rabbi biratti qeebalamuudhaaf [fudhatamuudhaaf] ulaagaan isii, qulqullummaadhaan gaggeefamudha. Dalagaan takka qulqullummaadhaan hindalgamne taanaan, Rabbi olta'e biratti fudhatama hinqabdu jechuudha. Rabbiin olta'e quraana keesatti akkana je'e:

(فمن كان يرجو لقاء ربه فليعمل عملا صالحا ولا يشرك بعبادة ربه أحدا)

hikkaan isaa: namni qunnamtii, rabbi kajeelu, dalagaa gaarii haa dalaguu; ibaadaa Rabbi isaa keessattis akka waa takka Rabbi wajjin hinqindeessine. Kanaafuu qulqullummaa hujii keessanii akka hubatan.



Dhaamsa Dhumaa

-Yaa haajii keenya kabajamaa! kunoo gaa gargaarsa Rabbiitiin hajjii goote, waan guddaa dalayde, yoorabbi jedhe araarama isaa argatte, milkooyte. tanaaf wili jallinatti hindeebi'in. asii galtee badii adda addaa tan akka shirkii, salaata dhiisuu, zinaa godhuu, farshoo dhuguu, haqa namaa hatuu, saamuu, dubartiin hijaaba uffachuu dhiisuu, ... badiilee kkf hundarraa fagaadhu. yoo duran nama hamaa nama arrabsu, kan harkaan namatti jarjaru, kan boonu taates amma booda irraanfadh, ittin deebi'in. yogguu badii takkatti dhihaatte qaxab jedhii ufaqabii yaadadhu-hajjii dhaqee galeemoo? qaanyiidha! abadan! hintahu jedhii jalaa didii sheyxaana qaanyeyysi. astagfiruLLaah jedhii irraa debi'i.

Yaa haajii keenya jaalatamaa! Ati amma yogguu asirraa galte nama haarawa biroo tahii gali. sii dur taatee hingalin. jirjiirami, amma haarawa dhalatte waan taheef. ibaadaa Rabbi s.w. hanga dur daran jabeysi. salaata, jum'aafii jamaa'ah, masgiida, qaraatii qur'aanaa, zikrii Rabbi, du'aaii, sadaqaa, diin gargaaruu, fii toltuu fii kheyrii waan tahe hunda akkaan itti jabaadhu. warraa ilmaan kee diiniratti ajaji, haadhaaf abbaa kee, ollaa kee, obboleyyan muslimaa hunda dinitti ajaji, gorsi, yaadachiis, Walumaa galatti ajaja Rabbiitiifii ergamaa isaa nabi Muhammad ﷺ dhagayi, diin kee jabeysii, irratti jiraadhu irratti du'i.

Asirratti xumurame galanni Rabbiif haa galuu.



Dhumarratti Warra diin isaa baratee walbarasiisee sirritti itti dalagee jaalala Rabbii argate nuufii isinis Rabbi nuhaa godhu. ibaadaalee hunda Rabbi nurraa haaqeebalu.



DU'AAII ADDA-ADDA

DU'AAII YEROO IMALTUU DEEMANII

اللهم إنا نسألك في سفرنا هذا البر والتقوى ومن العمل ما ترضى، اللهم هون علينا سفرنا هذا واطو عنا بعده، اللهم أنت الصاحب في السفر، والخليفة في الأهل، اللهم إنا نعوذ بك من وعثاء السفر وكآبة المنظر وسوء المنقلب في المال والأهل والولد. رواه مسلم

«Allaahumma innaa nas'aluka fii safarinaa haazaa albirra wattaqwaa, waminal amali maataradaa, Allaahumma hawwin aleynaa safaranaa haazaa, waxwi annaa buidahuu. Allaahumma anta ssaahibu fissafar walkhaliifatu fil ahli Allaahumma innaa na'uuzu bika min wa'isaa'I ssafar, waka'aabatil manzar, wasuu'iil munqalabi filmaali wal ahli wal walad.» Muslimtu galmeesse.

-Hiikkaan isaa akkana: yaa Rabbi imaltuu keenya kana keessati tola ooluu fii sodaa tee sikadhanna, dalagaadhaas tanuma ati jaalattu (sikadhanna) yaa Rabbi imaltuu keenya kana nuuf laaffisi, fageenya siitiis maruudhaan nuuf gabaabsi, yaa Rabbi ka imala keessatti nuu wajjiin jiruus suma, kan genddatti nuuf hafuus suma, yaa Rabbi cinqii imaltuu irraa sitti maganfanna, argaan nu fokkotuu irraa sitti maganfanna, qabeenya, warraa fii joollee keessatti deebi'iin nu hammaachuu irraa sitti maganfanna.

ربنا آتنا في الدنيا حسنة وفي الآخرة حسنة وقتنا عذاب النار .

Rabbanaa aatinaa fiddunyaa hasanatan wa fil aakhirati hasanatan waqinaa azaabannaar.



Yaa Rabbi addunyaarratti waan gaarii nuuf kenni, aakhirrattiis
waan gaarii nuuf kenni,

Azaaba ibiddarraayiis nu tiiksi.

DU'AAII YEROO HIRRIIBAA

«باسمك ربي وضعت جنبي وبك أرفعه فإن أمسكت نفسي فارحمها وإن أرسلتها فاحفظها بما
تحفظ به عبادك الصالحين» رواه البخاري ومسلم

Bi ismika Rabbii wadaitu janbii, wabika arfa'uhuu. Fa in amsakta
nafsii farhamhaa wain arsaltahaa fahfazhaa bimaa tahfazu bihii
ibaadaka ssaalihiin. bukhaarii fii muslimtu odeesse.

Hiikkaan:- yaa Rabbi maquma keetiiniin cinaacha kiyya lafa
kaaya (rafuudhaaf)

ammaas maquma

keetiiniin olkaasa, lubbuu tiyya yo qabde, [du,aan] rahmata
godhiif, yo gadhiifte

waan gabroowwan kee gaggaariidhaan tiiksituun tiiksi.

EEBBA GANAMAA FII GALGALA

اللهم بك أصبحنا وبك أمسينا وبك نحيا وبك نموت واليك النشور. (رواه الترمذي)

Allaahumma bika asbahnaa wabika amseynaa wa bika nahyaa
wabika namuutu waileyknnushuur. Tirmiziyyitu odeesse.

yaa Rabbi sumaani bariisifanne, sumaani dhiisifanne, sumaani
jiraanna, sumaani duuna,

deebiin kaafamaatiis gamuma keeti.

اللهم بك أصبحنا وبك أمسينا وبك أصبحنا وبك نحيا وبك نموت واليك المصير. (رواه الترمذي)



Allaahumma bika amseynaa wabika asbahnaa wa bika nahyaa
wabika namuutu waileykal masiir.

yaa Rabbi sumaani dhiisifanne, sumaani bariisifanne, sumaani
jiraanna, sumaani duuna,

deebiin booddeetiis gama keeti.

EEBBA YEROO HIRRIIBAA KA'ANII

الحمد لله الذي أحيانا بعدما أماتنا واليه النشور (رواه البخاري)

Alhamdu lillaahi Ilazii ahyanaa ba'ida maa amaataanaa wa
ileyhi nnushuur. **Bukhaariyyitu galmesse.**

Rabbiin Du'aa'ii teenya nurraa haa qeebalu, warra
qulqullummaan Rabbi kadhatu, nuhaa godhu.

Nuufii muslimtoota hundarraayis Rabbiin haa qeebaluu.
Alhamdu lillaahi Rabbil aalamiin.

Yoo yadaa fi gaafii qabaattan

Mobile watsap - 00966 505697461 yookaan email shekhjemal@
yahoo.com

irratti yaada keessan nuuf kennaa. Galatoomaa wassalaamu
aleykum warahmatullaahi wabarakaatuhuu.


والحمد لله رب العالمين


وصلى الله وسلم على نبينا محمد وآله وصحبه أجمعين.


wasallallaahu alaa nabiiyyinaa muhammadin wa aalihii
wasahbihii wasallam.




IslamHouse.com

 IslamHouseOr

 IslamHouseOR/


 islamhouse.com/or/


 IslamHouseOr/


For more details visit
www.GuideToIslam.com




contact us :Books@guidetoislam.com

 Guidetoislam.org

 Guidetoislam1

 Guidetoislam

 www.Guidetoislam.com



المكتب التعاوني للدعوة وتوعية الجاليات بالربوة

هاتف: +966114454900 فاكس: +9661144970126 ص ب: 29465 الرياض: 11457

ISLAMIC PROPAGATION OFFICE IN RABWAH

P.O.BOX 29465 RIYADH 11457 TEL: +966 11 4454900 FAX: +966 11 4970126